

武功縣志

卷五

人物志下

續武功縣志卷之五

人物志下之一列女

原夫刑于之化起自庭幃。家教之成。積為風俗。故詩三百篇。首列國風。而輜軒所采。往往多閨門篇什。蓋即內可以知外。由近足以觀遠也。後世史部標題。淵源詩教。列女特立專篇。擇其高秀以存一代風化之遺。其義不綦重哉。至於方志撰記。祇以備外史之拾遺。存一方之觀感。事取徵實。例寬進退。亦劉歆與其過而廢也。毋寧過而存之之義。武功列女四百餘人。依次編列。無異花名卯冊。茲所叙錄。體遵舊則。義取采風。譜系可考。則從永清志一門合叙之法。與前傳相表裏。而一家之風教可知。世次無稽。則仿華陽志異郡分載之例。別里居為部次。而一鄉之習尚可徵。比類參觀。一邑之風俗備焉。若族姓里居無屬。而有母家者。並從附錄。亦載馳

卷之五

系。鄙。河廣附衛之遺旨也。後之君子。欲覽一邑之家教鄉風。其或有取於斯。續志著錄十五人。

陳懋謙妻牛耿認妻弓沈來聘妻李郭榆妻王劉弼主妻  
陳馬佩妻張國朝楊志秀女馬璟妻侯李淑世妻耿  
後志著

錄三十八人。王孝婦居仁妻馬趙恒妻節康呂賦妻焦馬鐸妻  
芳妻郭黨馬國榮妻張劉新基林妻楊魏起鳳妻南正已妻呂李顯  
俊妻郭黨可法妻張劉新基林妻楊魏起鳳妻南正已妻呂李顯

學叔妻丁吳翥妻李馬穎姿妻劉張尚助妻李郭姿妻閔康呂  
師妻耿馬瑜妻魏世黨從直妻李李黨仿文薛李瀨妻劉張承妻閔康呂

康呂勳妻黨李維世妻康楊圻妻徐進妻尚王世桂妻崔何運泰  
遵妻喬楊茂棟妻羊魏良策妻康徐進妻尚王世桂妻崔何運泰

王錢氏志著錄八十五人。賢媛張位妻王舒庭妻王應運妻張耀妻趙  
金庫妻馮魏大緒妻孫蒲桐妻何張義妻景舒庭妻王應運妻張耀妻趙

王葛正夏妻白王富善妻楊何珣妻田張璜妻曹劉新莊妻何斬允  
寧妻張張洞妻焦田希籍妻趙張金門妻張璜妻曹劉新莊妻何斬允

妻胡朱炎斌妻焦黨熙齡妻耿黨黃珍妻田張璜妻曹劉新莊妻何斬允  
妻李張國傑妻蘇戴彩妻崔張名樂妻田張璜妻曹劉新莊妻何斬允

黃王建真妻趙魏天壽妻喬朱心興妻劉張景積貴妻楊戴盛德妻  
趙宇文釭妻崔劉暉妻張王庭楷妻張符鳳岐妻申李高君全妻

楊文秀妻朱王需妻劉弓冲漢妻別王寧妻白張玉璽妻王何運

張國傑妻蘇戴彩妻崔張名樂妻田張璜妻曹劉新莊妻何斬允

張國傑妻蘇戴彩妻崔張名樂妻田張璜妻曹劉新莊妻何斬允

妻白李之玉妻王顏華妻張尙居禮妻卓張澤妻成張彥妻程黨  
廷梁妻張杜廩賢妻李朱信已妻馬王璟妻趙杜琳妻袁王有年  
妻夏曹宗武妻劉白受福妻鄧康殿妻蘇李注妻閔張素抱妻何  
張素蘊妻耿張佩妻劉別克敬妻王康作喜妻常賀登台妻徐楊  
繼溥妻崔李彩妻張楊延壽妻段丁鴻讓妻郭黃虞再妻張李茂  
發妻張張秀妻夏穆鳳朝妻李程壽妻常康福妻譚高忠妻劉王  
生蒼妻吳金舉妻趙康士  
元妻金烈婦劉養初妻郭  
新志著錄二百九十六人共四百三十

三人列體分編仍各以年代爲次其曾膺

旌表者舊志縣卷爲據餘皆缺焉

### 長寧舖康氏列女

楊氏海長子栗繼室也。河南靈寶人。雲南布政使楊維康女。明嘉靖已丑栗卒。楊矢志殉。潛吞鼠藥。以救得甦。姑尙日夜防衛。選幹婦伴歸母家。冀解於父母。父母亦嚴防衛。涕泣求歸。使兄宋及嫂康氏送之。見姑有喜色。守且懈。一日盥漱畢。顧嫂曰。宿食作渴。趣調醋湯。湯至潛下砒焉。毒作。姑檢袖得遺砒。索醫意。楊泣曰。兒樂

### 卷之五

二

死而苦生。砒得醋醫無益也。兄嫂逼進藥。齧碗碎。遂不救。嫂浩女也。栗從姊妹。宋卒。亦仰藥死。靈寶建雙烈祠。載通志。耿氏海九世孫孝妻。耿禮義女。歸孝夏家溝。

國朝乾隆戊寅夫歿。嗣子亦亡。苦節五十六年。馬氏焮孫倣叔妻。順治甲午。倣叔卒。撫二子有室。先馬卒。又撫三孫。雍正辛亥卒。年百有四歲。丁氏倣叔從父兄弟學叔妻。順治己亥。年二十寡。志作嫁後

撫遺孤呂師。娶婦耿氏。又撫夫兄子呂夢。娶婦閔氏。康

熙壬子。閔年十六于歸。未逾歲。呂夢卒。遺腹子檉。庚午丁卒。志呂師卒

在丁前據譜改正越十年呂師卒。耿年二十四。無子。撫族子爲嗣。與閔共守。雍正丙午閔卒。己酉與耿同

旌表。載通志。焦氏呂賦繼室。罄屋學生。焦化秦女。康熙庚午。年二十。呂賦病。焦不解髻。焚禱無效。泣與約曰。歸君未育子。無可守。一

死從君耳。呂賦卒四日。衰麻自經死。面如生。黨氏焮弟焮曾孫呂勳妻。呂勳卒。歲荒。不給餽粥。力作奉繼姑。撫二子全活。黃氏國曾孫草妻。于歸數年。草卒。操井臼。勤紡績。撫子煥中守志。馬氏國曾孫藹妻。少寡。撫子輝中。焯中守志。張氏廷瑞子。世任十三世孫文俊。繼室。夫亡。遺孤銀在襁褓。前室子金亦幼。張度夫弟不相容。攜孤別居。劬勞自給。馬氏天申妻。天申病篤。泣曰。子未及歲。吾抱恨九泉矣。馬以撫孤誓。或勸改適。馬曰。受托而棄之不信。夫死而背之不義。幸無復言。焮長女適庠生黨某。早寡。育子克存。夫嗣。年八十餘。次女適庠生魏良策。志作蒞夫亡。遺前室二子。弱且劣。或勸嫁。女曰。夫子卽吾子。棄之是吾死二子也。卒撫二子有室。後相繼死。女晝曰井。夜紡績。鞠孤孫。孫死。復撫曾孫。卒年八十餘。純引叔長女。母方娠。夢白衣婦持贈白璧曰。此純無瑕者。旣生。名曰純。適庠

卷之五

三

生郭清。清死。子女幼。姑從少子居。純無依。仍歸母家。每飯輒念姑食。母亟饋姑。純謝曰。兒累父母。乃更以姑累耶。於是勤女工。易鹽米。時遺姑。母爲製練衣。純曰。兒爲父母子。則可服。爲郭氏婦。則不可衣。辭不御。以荆布老。八姐純妹。適黃。姑患疽。躬親滌濯。晝夜更藥。無倦。無子卒。舅銘其旌曰。孝德婦。四姐呂勳叔衍。叔女適於吉。早寡。撫嗣子守貞。二姐錫七。世孫之桂女。適魏秉純。夫亡。舅憐其無子。勸再醮。對曰。婦所以不死者。正以無子耳。得昆弟子爲夫嗣。夫死。猶未死也。舅立嗣子。成其志。志曰。洋在兄弟間。無顯名。而子孫獨盛。婦德亦多出其門。洋殆有隱德。與焦殉節如生。繼美栗妻矣。

宣化街馬氏列女

景氏驥子萬衢

志作萬里誤

妻。南樂縣丞景德章女。明成化間。萬衢官

清豐主簿卒。女在襁褓。景泣。枯一目。素服菜食三十年。嘉靖甲午。旌表。魏氏驥。七世孫瑜妻。魏廷對女。康熙癸卯。年十六歸瑜。生子際康。值吳三桂叛。瑜轉輸軍餉。亡。際康娶婦郭。郭早死。際康亦久客。復撫兩孫存夫祀。載通志。劉氏穎姿妻。劉環之女。穎姿殉難。劉年二十四。育嗣子偕四十餘年。

旌表。載通志。趙氏傑孫浚四妻。舉人趙景梅女。歸浚。四宣化街。年二十九夫亡。撫孤尚志。夜績課讀。尚志思卧。齧其首。血浹齒頰。廢績泣。尚志懼。力學爲生員。嘉慶丙子。

旌表。劉氏應福從祖兄弟應月六世孫沼妻。劉順甲女。歸沼。潞西莊。夫亡。食杏仁自毒。及救不死。撫嗣子起基以老。侯氏鳴世子生員璟繼室。扶風侯士龍女。順治癸巳。璟病篤。侯誓先死。時侯父母客武功。勸之。志愈堅。登樓自經死。年二十四。載通志。張氏璟弟生

卷之五

四

員珮妻。生員張文耀女。明崇禎癸未。珮病亟。張誓死殉。時張有娠。六月。生子嘉裔。抱子授姑曰。婦事畢矣。請從夫地下。不食死。年二十二。載通志。黨氏珮兄珂元孫夢龍妻。黨黃珍女。歸夢龍。鳳安。堡乾隆癸未夫亡。母孀居無子。奉母終天。撫子秉寬。及夫弟子秉惠。皆成人。今年六十七。趙氏夢龍從祖兄弟樓妻。舉人趙景梅女。歸樓。永安里。乾隆壬申。樓卒。撫夫弟子秉乾爲嗣。歲凶。攜子鬻餅自給。嘉慶己未。

旌表。黨氏班子生員桂姿妻。生員黨之鵬女。康熙庚申。桂姿卒。黨

年二十。子鉅六歲。譜載鉅生康熙乙卯。志譜皆作二歲誤。長充增廣生員。繼姑郭病。

侍湯藥。夜不交睫。黨氏鳴秋伯父國榮妻。明天啓間。夫亡。舅老。經營家計。教子鳴河及孫珪爲生員。卒年九十五。王氏馭九世孫鐸

鎖一名妻。王錫女。年十八。生二女。鐸卒。舅姑與母勸更適。不從。歸啓

篋。失裝資。餘一衣一裙。知嫁已意。決卽夕自縊死。時年二十四。載  
通志。

志曰。璟珮皆鳴世子。其婦或先夫死。或棄子死。決絕如恐不及。何  
其烈也。殆聞舅風而興起。與鐸妻迫姑命。毅然自決。又何其善也。  
馬氏多節烈。蓋其家風使然。

#### 興城里張氏列女

馬氏文燦孫錫璧妻。府谷教諭馬翊女。歸錫璧義樂寺。康熙丁亥  
馬年二十餘。夫亡。撫子緯漢授室。生三孫。陳氏文燦弟文炘孫錫  
麟妻。陳憐女。康熙己巳。年二十寡。越三年歲飢。攜子瀛洲依母以  
終。杜氏錫麟弟子宏洲妻。杜叢生女。夫亡。子玉楷十歲。守貧。教子  
無失業。黨氏鎬妻。黨子章女。鎬卒。遺子澡。女三人。拮据畢昏嫁。澡  
爲生員。明嘉靖甲寅卒。馬氏榮子生員承勲妻。馬錦如女。康熙丁

#### 卷之五

五

未夫亡。教子素坦爲生員。己未素坦亡。遺婦張氏。夫婦相依。撫孫  
錫桂亦爲生員。馬氏樞子承燮妻。馬翰如女。年十三于歸。承燮病  
癩。未成禮。無怨色。每食。承燮狂怒碎盤盂。曲事三年。無倦容。順治  
初年承燮歿。撫夫兄。承輝子爾怙爲嗣。苦節五十七年。沈氏承輝  
兄承燧元孫進業妻。沈成德女。歸進業韓店西溝堡。乾隆甲戌。年  
二十三。生子奮鰲。兩月夫亡。撫奮鰲及夫兄子登鰲。從兄子斐然。  
皆成人。斐然初生。父慮不育。遺沈代哺。沈教養如奮鰲。旣爲生員。  
還其父。年八十。時扶杖。斐然家。詢其衣食。今年八十二。康氏樞弟  
生員棻妻。康焮女。年十八。夫亡無子。屏居一室。焚香瞑坐。歷五十  
年。嘗述其父訓曰。吾康無再嫁女。五人皆黨氏子孫妻。劉氏文熙  
孫庠生金榜妻。劉璜女。康熙癸丑。夫亡。年二十。撫嗣子灝。如已出。  
馬氏金榜從父兄弟庠生金門妻。馬鳴玉孫女。康熙辛未寡。年二

十餘。姑郭痺廢。扶掖盡瘁。歲飢。自食豆渣。縫紉市餅餌。食嗣子。演育及諸孫。孫廷榴成進士。

賙贈太孺人。乾隆壬辰。

旌表焦氏金爐子洞

一名瀟

妻焦濬女。乾隆庚申。年二十寡。撫嗣子

廷枝。事姑董。饗殮必潔。命同食。則曰已另具食矣。焦歿。姑除焦室。得糠粃榆皮屑。泣曰。此吾婦所謂另具食也。聞者悲之。焦庚寅卒。姑年七十五矣。癸巳。

旌表姜氏金爐弟金印子瀟妻。姜輔姬女。幼習孝經論語。乾隆癸酉。年二十歸瀟漆邨。逾歲瀟亡。事舅十九年。姑二十八年。嗣子廷栖。孫炳義爲生員。徐氏維紳從父兄弟繼紳妻。徐雍門女。康熙甲子。年二十歸繼紳焦陽邨。既寡。親老子女幼。紡織辛勤。持家幾六十年。子位歲貢生。趙氏繼紳從祖兄弟澐子俊妻。趙恒升女。康熙

卷之五

六

己亥。年十九歸俊上營。越三年夫亡。子星環二歲。衣單衣。夜卧麥藁。苦歷五十二年。程氏鍊六世孫聲錫妻。程大受女。歸聲錫渭源里。乾隆丙辰。年二十六夫亡。育遺孤變蘆。變娶胡有信女。乾隆庚午。胡年二十。變歿。遺子機。蘆娶常潤庭女。乾隆乙酉。常年二十八。蘆歿無子。時程年五十六。胡與常同心撫機。常尤知書明大義。機長娶胡氏。乾隆甲午。年二十四。機又歿。遺子守清。時程年六十五。胡矢志不渝。三世孀居。一堂四節。稱家庭盛事。今機妻年六十三。李氏鍊八世孫克讓妻。李艷女。歸克讓焦陽邨。乾隆辛未。年二十二寡。教二子力作以終其節。郭氏儒珍兄翱七世孫錫履妻。郭紹儀女。康熙庚申。年二十二夫亡。值歲荒。攜子復漢歸母家。復漢授室。數年夫婦相繼亡。郭零丁苦節。雍正戊申卒。載通志。黨氏海子會十世孫重華妻。黨仲賢女。歸重華田寺邨夫亡。夫兄名才無子。

老且瞽。守确田九畝。養名才終身。子女皆婚嫁。杜氏亦會十世孫名傑妻。杜方山女。名傑歿。遺子秉乾。乾隆戊辰飢。夫弟謀析居。杜泣勸合爨。五十餘年。章氏海兄全十一世孫毓奇妻。章喜女。歸毓奇。田寺邨乾隆乙亥年二十三寡。教子永浴讀。夜半紡不停。讀不敢輟。永浴亡。撫孫本焯。年未五十。鬚髮皤然。今年八十一。楊氏全十二世孫安妻。乾隆乙未寡。夫兄巧先亡。皆無子。從子春起爲安後。春起兄春發爲巧後。皆鞠育成立。郭氏海弟洪十一世孫雲起妻。郭保女。歸雲起。田寺邨乾隆甲午年十九寡。斷髮誓節。善居積。有田數十畝。率子天榜耕耘。承燧曾孫泳長女年十八。適監生楊斌。斌亡。嗣夫弟安邦子。育安邦女。迄於嫁。孀居三十年。次女適王庭楷。年二十四夫亡。勸舅娶繼姑黃。生叔三槐。黃旋卒。撫叔成立。子夢陽爲生員。玉姐泳子芳桂女。適舒作楨。夫亡。撫前室子泰爲生員。嘉慶丙寅泰卒。撫孫以老。承輝女適遊擊焦金章。夫亡。守貧育孤數十年。四女皆鎬妻。黨氏子孫女。壻弟女適庠生楊用極。夫死。撫夫弟子爲嗣。歷四十二年。

志曰。儒珍妻。康鑾女也。二家譜牒。稱其幼習詩書。克修婦職。育子女十餘人。皆躬親乳哺。能言。卽授以小學孝經。其教深矣。故能傳流後裔。婦德母儀。接踵十世不衰。而先後濟美。多至數十人。又何其盛也。鎬妻守貞。後世婦女繼承。亦多以節顯。可謂善嗣徽音者。

#### 洛陽邨郭氏列女

王氏榆妻。榆亡。事孀姑三十年。姑卒。王亦積勞卒。子內俊。明萬歷舉人。知單縣。贈太孺人。

國朝入祀節義祠。賀氏世良八世孫繼汾妻。賀承業女。歸繼汾。鳳安邨。乾隆己卯年二十一寡。誓志撫孤。今年七十四。張氏郭銀漢



妻張金甌女。銀漢父珍。張自出。與金甌爲內舅弟。故以張字郭。銀漢病目瞽。珍自憾。議却婚。女不從。卒適郭。生四子一女。與銀漢偕老。乾隆己丑卒。年五十四。黨氏維垣妻。黨年女。歸維垣南關西堡。乾隆癸巳。年二十五寡。姑病子幼。俯仰備至。以孝慈著。今年六十。六。銀漢維垣世次。家譜缺載。

#### 北關楊氏列女

李氏纘妻。纘卒於京師。李紡績自給。撫夫兄纘子。壻爲嗣。壻爲生員。撫孫汝智亦爲生員。守節四十餘年。萬歷乙酉旌表。

國朝祀節義祠。陳氏續元孫新昌妻。新昌逝。育子維震。維德皆成人。乾隆丙寅。年八十六卒。馬氏續九世孫向榮妻。馬鎬女。乾隆庚申。年三十夫亡。舅痛失明。馬曲喻承歡。檣柱家計。朱氏亦續九世孫文秀妻。朱宜皎女。歸文秀北關。乾隆辛酉。年二十一寡。子大偉

#### 卷之五

八

四歲。大任遺腹鞠養皆成立。

#### 鳳陽舖耿氏列女

弓氏光前次子認妻。認卒。子愈炳愈燦。教之讀。愈炳爲生員。王氏志煒繼室。王大芳女。封宜人。志煒卒。王屏居絕戚族。會流寇陷京師。明莊烈帝殉難。泣曰。良人若在。必殉先帝。我受朝廷封誥。亦王臣也。敢偷生乎。不食死。王氏啓乾繼室。邠州庠生王吉女。康熙間啓乾卒。育子俶。及抱孫。猶織紉不倦。張氏獻吉孫庠生元凱妻。庠生張懷坦女。雍正乙巳。年十六歸元凱。城東街。乙卯夫亡。事姑陳撫。嗣子汝華。以孝慈稱。李氏性良。子庠生汝毅妻。李宗白女。歸汝毅。城東街。乾隆丁丑。年二十夫卒。居母家。嗣子旭爲庠生。郭氏性良。兄性直。孫丕顯妻。郭爾常女。乾隆戊子。年十九歸丕顯。城東街。丙申夫亡。與夫兄合爨。事舅鞠遺孤。甘隸竈下。王氏汝恭從父兄

弟汝超繼室。扶風王崧女。乾隆甲申。年十七歸汝。超城東街。越歲夫亡。哀毀踰禮。前室子燾數齡。舅姑慮有變。王曰。夫子不幸。棄二大人養。遺孤冲藐。何敢一死自逸。嘉慶丙辰疾。燾進藥餌。却不飲。曰。吾未亡人耳。舅姑壽終。汝亦抱子。吾其見汝父於地下矣。遂卒。嘉慶四年

旌表。獻極女。年十六適張澹庵子榮坦。六月夫亡。苦節四十餘年。以疾卒。瑩然女。適岐山李淑世。踰年生子。四日夫亡。紡績事舅姑。舅姑卒。歸母家。苦節十九年卒。子亦夭。載通志。女適外縣不錄。已載舊志。故并附於後。

志曰。志煒妻。以命婦死國難。其言正。其事奇。崑山顧母何以加此。忠臣非烈婦也。觀志煒立朝大節。使隕星不早。豈讓巾幗獨步。王之死。亦善繼志煒之志耳。嗚呼。志煒有妻矣。

卷之五

九

菜園堡楊氏列女

黨氏正芳妻。鑄母。明萬曆甲寅于歸。崇禎辛未正芳卒。時舅起鳳垂老。子鑄鍾鈞皆幼。家貧。復罹兵燹。黨崎嶇數十年。鑄充生員。康熙戊辰。年九十卒。賈氏正芳族伯叔其靜妻。年三十夫亡。賈耕樵不避風雨。子正懷授室。諸孫羅列。猶經營家計不自逸。年七十六。賈時代無考。據家傳次黨後。當亦康熙間人。崔氏正芳族兄弟績妻。崔家溝人。年二十餘績亡。撫子作棟成立。

邨封里黨氏列女

張氏順治間人。端八世孫可法妻。年十七。歸可法南關。可法遠客。志作可法死誤遺老母幼子。張勤女工。資衣食。年九十。可法終不歸。載通志。馮氏亦端八世孫懷妻。馮公著女。卒年八十四。事無考。均於乾隆年間。詳請入祀節孝祠。杜氏端十世孫致遠妻。生三子。致遠歿。

執箕帚事舅姑疾撫二叔衣食守節四十餘年。耿氏允福從子熙齡妻。耿淑女。歸熙齡南莊里。雍正庚戌年十九寡。絕粒五日。舅姑曰。婦死如二老人何。耿斷指誓節。乃復食。教嗣子黃甲學爲生員。乾隆己亥。

旌表黃氏熙齡從子黃珍妻。黃虞際女。歸黃珍南莊里。乾隆丙辰年二十一夫亡。無子。父母勸改適。誓以死。及夫葬。投身墓穴折臂。鄉里稱半臂人。與耿氏同年。

旌表張氏允福孫黃璧妻。張輝漢女。乾隆丁卯年十九夫亡。嗣黃甲子金鑑爲嗣。金鑑爲生員。嘉慶辛酉。

旌表蔣氏允福從父兄弟允盛元孫忻妻。蔣兆奇女。忻居南莊堡。乾隆乙巳年十七。將嫁而忻亡。聞訃痛絕。衰經奔喪。修婦職。今年四十五。李氏從直妻。銳祖母。李蘭薈女。順治庚子年二十四從直。

卷之五

十

歿。子倥佶。仿俱幼。李食貧撫孤。仿娶妻薛氏。薛揚德女。康熙癸酉年二十八仿歿。姑病痿。扶持罔懈。子銓生員。乾隆壬戌。

旌表並載通志王氏銳子振聲繼室。郿縣生員王璘女。嘉慶丁巳年十九。二月于歸。七月夫亡於西安。柩歸仰藥死。初王匣儲療瘍藥。哭柩時。潛取食之。婢見而不知爲毒。故失救。是年。

旌表胡氏資美八世孫廷環妻。胡玉齡女。歸廷環姚坊邨。年二十一夫客死。胡歸夫柩。並葬舅姑。撫孤三十二年。乾隆乙未。

旌表張氏資美十世孫廷梁妻。夫歿家貧。姑患癰。謹醫藥。恩育嗣子。歷三十餘年。

漳環邨趙氏列女

黨氏繩祖兄孫柱恒妻。黨允升女。康熙辛未年二十歸柱恒。煒環邨。歲荒。出簪珥持家。舅姑歿。典嫁衣襄葬事。饑甚。傾篋授夫。及夫。

弟避他鄉。隻身就食母家。會訛傳柱恒死。允升與柱恒叔燦謀嫁黨謀成。迫黨泣曰。請明朝從父命。乘夜自經死。年二十一。越數月。柱恒歸。黃氏夢璧族孫星胃妻。黃鏞女。乾隆丁酉歸星胃。漳環邨。越五年寡。今年五十三。子成生孫矣。

在城里張氏列女

耿氏素蘊繼室。耿獻極女。康熙癸酉。年二十夫亡。撫前室子如已子。卒年八十六。劉氏素蘊子佩繼室。

贈建寧鎮中軍遊擊劉爾公女。雍正癸卯。年二十。夫亡無子。撫嗣孫濟。乾隆癸未卒。初耿痛姑亡。哭失明。劉虔禱自誓。菜食二十年。耿目復明。人以爲誠孝之感。乾隆戊申俱。

旌表。何氏素蘊弟庠生素抱繼室。何宗禮女。年二十五夫歿。育前室子維爲生員。郭氏維孫清妻。郭緯女。乾隆庚寅。年二十。清歿於

卷之五

十一

江南浦口。撫子大極爲生員。今年六十三。王氏佩從祖兄弟位妻。

王明道女。康熙辛丑。年十七。志作十九。據縣卷改正。嫁位。越三年。志作七年。據縣卷改。

正夫亡。舅繼卒。貧不及葬。姑病。王勤十指奉姑。冬夜饑。丸酸齏吞之。紡不輟。姑卒。寢柩側。夜半彷彿見舅姑與夫。慨然曰。此幽魂告我早葬也。齒左股以誓。卒成葬事。嘉慶七年。

旌表。

河道邨焦氏列女

李氏映岱子聰妻。乾州貢生李大鵬女。雍正癸卯。年二十七聰亡。姑老。衣履皆李手製。教子士範成名。彭氏映岱曾孫銓妻。乾隆甲辰。年二十一寡。舅老遺腹子登榮孤弱。恒產不終畝。賴彭十指資給無缺乏。今年五十。

山邨弓氏列女

別氏冲漢妻。別鴻道女。雍正乙巳年二十一。冲漢亡。子賜彤在襁褓。目不瞑。別泣曰。兒長。妾必勉使讀書。成君志。乃瞑。賜彤從孫檢討景烈學。卒爲生員。冲漢兄子士達。族子士俊。皆失恃。別皆撫育如賜彤。乾隆壬子卒。孫峻登。曾孫常新。皆舉於鄉。峻登娶于氏。在城里于寅女。嘉慶壬戌。于年二十八。峻登卒。自經寢室殉。嘉慶八年。俱。

旌表張氏冲漢從父兄弟文炳妻。張則友女。雍正甲辰。年二十二。夫亡。子士廉三歲。食貧育子。撫及孫曾。乾隆辛丑卒。何氏鉞兄。煩六世孫運和妻。何明志女。康熙辛酉。年二十三。運和卒。拾薪供炊。育子緯。世成立。年八十一。何氏亦煩六世孫普妻。何仁女。乾隆庚申。年二十五。夫亡。子幼。茹糠粃。終其節。王氏煩十世孫。武生廷樹妻。王世安女。乾隆乙未。年二十四。夫亡。撫前室子衣食。與已子同。

卷之五

十二

曹氏希程妻。曹雲武女。乾隆丙辰。年二十三。夫亡。子瑚四歲。守志四十年。希程世次。家譜缺載。

聶邨崔氏列女

張氏襟海族孫爾寬妻。張泰女。乾隆辛酉。年二十五。夫亡。舅鳳習痿廢。侍疾五載。教三子皆成立。段氏爾寬兄子崧妻。段忠女。乾隆乙亥。年二十。崧亡。無子。嗣孫。今年七十六。崔氏受爲本支。又有西邨支。東邨支。張氏枵族叔西邨支。養昇妻。年十九。夫亡。行不踰閫。育二子。周憲。終其節。張氏爾寬族兄弟東邨支。仁妻。康熙丙辰。年二十五。仁歿。撫子紹文。苦節四十年。吳氏亦爾寬族兄弟東邨支。德妻。康熙甲申。年三十三。德卒。子紹章。生未百日。撫字成人。

河道邨高氏列女

趙氏元介孫進妻。趙煥女。乾隆丙子。年二十一。寡。子登瀛。在襁褓。

依夫伯母張。勤劬資給。兼育夫兄弟子如登瀛。李氏進從子登岸妻。乾隆辛巳。年二十二寡。無子。嗣子居易。姑失明。李先意曲盡。姑忘其贅。楊氏進從子登原妻。楊植女。乾隆丁丑。年二十一夫亡。無子女。嗣子步青。時姑在堂。憐孫女數人。失怙恃。楊育諸女如已出。

顯義堡黃氏列女

張氏虞臯族弟虞再妻。張明德女。乾隆庚辰。年二十二寡。伯叔迫改適。絕其食。瀕死無異志。終身不入伯叔家。嗣伯子爲夫後。更撫字伯子三人。三人忘非母也。左氏建極從孫金妻。左逢年女。康熙丁酉。年二十九。金卒。育嗣子終其節。馬氏虞臯孫居正妻。馬超宗女。乾隆丁亥。年十九于歸。踰年夫亡。無子。居正鮮兄弟。勸舅納妾。生履正。舅及少姑卒。撫育履正生子爲夫嗣。嘉慶辛未

旌表。

卷之五

十三

北關丁氏列女

張氏仕俊六世族孫允寧妻。娘母張廷棟女。夫卒遺幼女。姑卒。遺叔金聲二歲。與女並育。金聲長生子娘。養爲已子。黨氏允寧族子離妻。黨植槐女。乾隆壬午。夫亡。養老姑。兼撫嗣子。今年六十。于氏亦允寧族子毓槐妻。于錫女。乾隆癸巳。年二十一夫亡。事姑鞠子。復念父老無依。往來兩家。晨昏罔替。今年六十一。張氏允寧族弟耿光妻。張九槐女。歸耿光胡家堡。乾隆庚子。年二十六夫亡。事親養子。以孝慈稱。今年六十餘。郭氏丁鴻讓妻。年十七于歸。越年夫亡。貧能事舅。育子爲諸生。

渠子里劉氏列女

鄭氏治民子紹祖妻。鄭選女。年二十八寡。遺三子。鄭紡績授書。長子元灝。官麟遊教諭。乾隆乙巳卒。年八十四。楊氏紹祖子元澄繼

室。乾隆甲戌年二十七寡。嗣子雲麟。今年七十五。郭氏元澄族兄弟。養初志作妻。郭景章女。乾隆癸酉年十七歸。養初北關。年十九夫亡。時姒楊亦嫠居無子。郭撫嗣子繩娃。與楊依夫叔鑾。鑾子養志。謀鬻二嫂償博負。楊不堪其虐。改嫁去。郭終不屈。養志乃謀劫嫁。郭潛市砒霜吞之。死時年二十六。鑾舐犢不報。景章慮檢骸爲羞。獄遂寢。養志旋暴死。張氏洲傷其冤抑。作長歌紀其事。

#### 新尙邨蘇氏列女

張氏相九世孫元吉妻。張永清女。乾隆癸巳年十九夫亡。撫遺腹子憲。馬氏仁六世孫明德妻。馬維女。乾隆丁巳年十九夫亡。家貧。資母家養舅姑。撫嗣子終身。夏氏明德弟明揚妻。夏明起女。乾隆戊寅年二十六寡。遺孤七歲。旣長。生子亦卒。撫孫以老。年八十一。志曰。婦道無成而待有終。是以鹿車振德。教述先姑。女誠楊芳。詞

#### 卷之五

#### 十四

稱家訓。有由來矣。康馬各族。端操繼承。與前傳相比。附。悉依支系。次列。以著閨範淵源。其餘人數無幾。亦爲區別族姓。次其年歲。以附於後。亦以表一家之風教。著雙美之徽音也。

郭氏在城里王繼祖妻。繼祖早死。撫孤乾明。娶婦張氏。生子受元。在襁褓。乾明亦旋死。郭與張并撫受元。娶婦田氏。不數年受元又死。遺子良臣。田年少。或勸之嫁。泣曰。兩世堅守。予何獨不然。亦守節終身。邑令標榜其門曰。三世孤孀。良臣順治貢生。

楊氏在城里李尙林妻。楊邦本女。順治乙酉年二十三寡。遺子灝。娶劉宏霄女。康熙甲寅灝故。劉年二十三。撫遺腹子祖唐。姑憐其少。戒過勞。劉夏不納涼。冬不辭寒。操作益力。姑老。眠食需人。劉朝夕奉侍。曲體隱微。乾隆丙辰同

旌表。載通志。

南氏張三官寨蘇應賓妻。南景郁女。順治丙申年十九寡。子玠生週月。鞠養劬勞。卒年八十二。曾孫庠生燎娶妻何氏。何淮女。乾隆庚寅年二十四燎卒。撫嗣子大順以節終。

宋氏大莊鎮韓必聖妻。宋兆祥女。康熙癸丑年十八夫亡。遺子國芳。苦節五十年。高氏必聖族孫秀妻高岱女。乾隆丁亥年二十四寡。子元樹二歲。中年亦歿。舅姑貧且老。賴高撐柱。奉養無虧。

陳氏漆邨張欽妻。陳大謀女。康熙甲寅年二十五夫亡。蜀地陳崎嶇數十年。卒歸夫骨。遺子汝成。娶劉振文女。雍正戊申。劉年二十八寡。育子玉奎安喜。玉娶李志女。乾隆乙未。李年二十六寡。無子。嗣安子錦標殤。復育嗣孫錦章。子熙增爲生員。乾隆庚申。陳卒。戊申。劉卒。李今年六十四。

卷之五

十五

董氏山邨桂君佐妻。董天榮女。康熙辛酉年二十四寡。子惟良三歲。家人謀改嫁。董引刀刺面。謀遂寢。兒痘忌油氣。家人隔壁烹油。利兒死。乃抱兒坐竟夜。卒無恙。雍正戊申卒。朱氏君佐族孫皎妻。朱元杰女。乾隆丁丑年二十八寡。子生三月。姑歿。遺叔七歲。朱並育無異操。今年六十五。

馬氏邵封里王錦妻。馬鳴海女。康熙癸亥年十九歸錦。越三年夫亡。斷髮毀容。矢志靡他。撫孤廷濟。授室生子。而廷濟又死。婦孫氏撫子如姑。歷節四十餘年。乾隆丙辰。馬年七十二旌表。

喬氏城西街徐四達子遵妻。幼習書史。康熙癸酉年十八適遵。逾年遵亡。子元傳七歲。親授經書。教之成人。乾隆壬申卒。得

旌表。郭氏遵孫爾章妻。郭繡女。乾隆壬申年十九寡。嗣子震三歲。及授室生孫。震又亡。與震妻某氏撫孫。見曾孫乃卒。尙氏遵從兄



弟進妻。歲貢生尙琦女。年十七適進。宣化街紡績。佐讀。生子世材。甫二歲。康熙己卯進死。尙年二十四。艱辛鬻子。進弟達死。尙又撫其遺孤。皆婚娶。卒年五十四。

田氏谷尼寺谷漢升妻。田生卑女。康熙癸未。年二十八寡。子應秀八歲。田晝耕夜績。以謀衣食。享年九十。李氏漢升族姪。待聘妻。李盈超女。乾隆庚子。年二十九夫亡。撫嗣子時發。時亨爲夫後。

李氏蘇坊邨段雲漢妻。玉田祖母。李守正女。康熙乙酉。年二十九寡。事姑謹。二子弱。不任耕。李牽牛隴畔。分其勞。子從師學。歸早。無炊米。舂穀種數十穗。食之趣學。薛氏雲漢族弟涵妻。薛福增女。乾隆庚申。年二十一寡。守遺腹子。終其節。徐氏涵族子宗漢妻。徐麻益女。乾隆甲戌。年二十八寡。撫孤苦節。卒年六十五。馬氏宗漢族孫友蘭妻。馬友德女。乾隆乙酉。年二十五寡。親老子幼。堅志守貞。

卷之五

十六

年七十二。

徐氏夏家溝夏日炳妻。徐秉哲女。康熙丁亥。年二十五寡。撫嗣子月桂。葬舅姑祖塋。徐氏夏月武妻。徐密才女。乾隆戊寅。年十九寡。或勸嫁。慨然曰。妾去。哀親稚子。將疇依。今年七十六。宋氏夏年傑妻。宋自魁女。年傑歿。曲事舅姑。力無旁貸。

陳氏立節邨張成學妻。陳有良女。康熙丁亥。年十七寡。撫嗣子。事舅姑。歷久無渝志。吳氏成學孫世彩妻。吳含女。乾隆辛丑。年十九寡。奉姑育子。年逾三十。髮如雪。今年五十一。子玉田爲生員。申氏成學族孫寧棟妻。申俊女。乾隆庚申。年二十二寡。遺孤冲幼。抱子侍舅姑疾。朝夕勤劬。張氏成秀族孫好妻。清河郡元益女。乾隆癸酉。年二十一好卒。遺二子。俱恩撫成人。卒年八十二。

賈氏貞元鎮蒲桐妻。康熙庚寅。年二十五寡。事親教子。有禮法。桐

兄子延齡。亡於康熙辛卯。妻朱氏年二十一。遺子二歲。矢以死殉。賈勸曰。死節易。守孤難。朱乃食貧鞠子以終。乾隆乙亥同旌表。

李氏南關綠野堡徐養裕妻。康熙乙未年十九寡。子履吉。生四月。養裕兄養志。娶趙氏。趙淳女。先養裕卒。嗣子爾禮。娣姒居窮。同心守志。李卒年七十二。趙卒年八十一。

何氏大莊鎮靳莊繼室。何君貴女。康熙丁酉年十六歸莊。姑病蠱。何滌穢惡。易衾褥。晨昏無倦容。前室子允寧。歲餘。鞠育如所生。娶婦張氏。張玥女。雍正庚戌。何年二十九。莊卒。遺二子幼。壬子。張年二十。允寧卒。遺孤二歲。族屬靳葦逼嫁。何剪髮指誓天曰。張闔戶自縊。何救甦。相抱哭。葦自是不敢犯。乾隆癸巳同旌表。張氏莊族弟介妻。張班女。乾隆壬辰年二十介卒。無子。養舅

卷之五

十七

姑無缺乏。今年六十一。莊介皆唐靳孝謨後裔。惜無世次可稽。

白氏城東街葛正夏妻。白士彥女。康熙己亥年十七于歸。雍正甲辰夫亡。母欲奪志。剪髮遺母乃止。庚戌。霖雨。屋將圯。依夫柩不徙。鄰里代葺之。歲荒無食。將自裁。正夏從兄時夏憐之。爲葬夫柩。移與同居。贍其食。且教子讀書。乾隆甲申

旌表。劉氏正夏從孫玉麟妻。劉潤女。年二十四寡。養姑。迄葬無缺事。嘉慶壬申。卒年五十四。

程氏普集鎮張彥妻。程鉞女。康熙辛丑年二十一彥歿。子步鰲。四歲。長娶妻康氏。乾隆乙丑年二十五。步鰲歿。子丁生。月餘。家厝四世遺柩。姑婦茹苦居積。四喪俱舉。丁亦成人。乾隆甲辰。程卒。嘉慶丁巳。康卒。趙氏彥族子俊裔妻。趙文燦女。乾隆丙戌年二十三寡。守嗣子敞。歷數十年。成氏彥族孫澤妻。成瑚女。乾隆丙子年二十

四寡。子文德一歲。姑病。成割左臂調藥。遂愈。文德娶徐謀女。乾隆癸卯。徐年三十。文德亡。姑婦並育。遺孤增福。乾隆乙丑成卒。徐今年六十一。喬氏彥族孫繼積妻。喬仁女。乾隆丁酉。年二十七夫亡。鞠嗣子。事老姑。歷三十七年。

趙氏永安里王之倫妻。趙煥女。康熙辛丑。年二十一寡。叔逼嫁。憤成噎疾。撫子炳。娶何煥然女。乾隆丁卯。何年二十四亦寡。姑病噎。朝夕侍奉數十年。撫子亦成立。乾隆甲辰姑終。何亦卒。乙巳同旌表。

吳氏二水寺王生蒼繼室。吳方來女。雍正乙巳。年十九夫亡。舅老子甫週月。茹苦以終。黨氏生蒼族子世用繼室。黨南金女。乾隆乙未。年二十五寡。今年六十四。楊氏世用族兄世佐妻。楊運龍女。乾隆庚辰。年二十九寡。遺二子。夫弟析居去。燃柴夜績。志不渝。

卷之五

十八

白氏趙邨何運妻。白魚躍女。雍正辛亥。年十九夫亡。侍姑痿疾。不避穢惡。教子學詩。爲生員。李氏運族孫博妻。李善女。乾隆辛丑。年二十五夫亡。子世寧六齡。事舅姑以孝稱。今年五十七。

吳氏朱家邨朱鳳妻。整屋武舉吳朗女。雍正壬子。年二十九寡。教子勤儉。歲荒。伯鳳攜子遷徙。追留伯子。撫育成家。蘇氏凰族子俊德妻。蘇吳女。雍正巳酉。年二十三夫亡。子純殤。養姑守節。

劉氏楊陵鎮高登霄妻。劉彥積女。雍正乙卯。年二十七寡。撫孤君相。娶李茂春女。乾隆壬戌。李年十九亦寡。姑婦撫孤。姜以終老。趙氏登霄族子君全妻。扶風趙福榮女。乾隆壬戌。年十七于歸。十三日夫亡。織布易粟。撫嗣子毓。歷四十七年。

張氏石佛寺楊元德妻。張爾恭女。雍正乙卯。年二十六夫亡。子蘭孤藐。伯逼嫁不從。乃割田析居。禁代耕。張胼胝耕耨。守志愈堅。韓

氏元德族子武舉人秀山妻。韓國輔女。乾隆丁亥年二十五。廢居。子仲達在襁褓。舅姑慮守難。韓指天日自誓。年六十卒。梁氏亦元德族子禮妻。梁大觀女。歸禮居寨里。乾隆丙子年二十二。寡。撫嗣子。勤苦三十餘年。張氏元德族孫文瑞妻。張芳女。年十九。歸文瑞居寨里。乾隆庚寅年二十五。舅姑歿。夫亦亡。遺孤孩提。田十六畝。夫叔利其產。逼嫁不從。復阻其耕。張力作輸賦。不改搽。

趙氏二水寺徐自敬妻。趙才女。雍正乙卯年二十四。夫亡。嗣子進娶崔嚴女。乾隆庚子。崔年十九。夫亡。事姑撫子罔懈。今年五十二。何氏南仁天張明禮妻。何永福女。乾隆丙辰年二十二。夫亡。事姑育子。卒年八十二。王氏明禮族弟張元凱妻。王繼孟女。乾隆甲子。年二十三。夫亡。子三歲。守志食貧。調夫叔母不靳。

曹氏于邨李良能妻。曹苞女。乾隆己未年二十二。寡。子三歲。耕織自給。全其節。吳氏良能族孫康妻。吳毓秀女。乾隆庚辰年二十三。寡。二子幼。撫育生孫以老。

卷之五

十九

段氏南莊堡李福喜妻。段吉學女。乾隆壬戌年二十八。寡。子湖娶李生春女。乾隆乙酉。李年二十三。湖亦歿。遺子效天。姑婦合志苦節。教效天爲生員。王氏李之玉妻。年十六。于歸。越二年。夫亡。遺子福成。方八月。撫之成立。卒年八十六。李氏李疆妻。圪塆堡李大勳女。乾隆乙酉年二十。生子畏天。而疆卒。撫孤勵節。今年六十八。丁氏張三官寨魏敬臣妻。丁秉介女。乾隆癸亥年二十二。寡。舅姑八旬。操作奉養。撫子述先承先。日啖菜羹。教以詩書。李氏敬臣族子繼先妻。李永清女。乾隆丁丑年十九。寡。子永福。不及歲。舅老叔幼。搯拄家計。能自立。

郭氏圪塆堡徐思恭妻。郭鄰女。乾隆癸亥年二十一。寡。子厚積。二

歲刈麥禾。郭自負省庸值。以養舅姑。馬氏思恭族孫自立妻。馬金秀女。乾隆甲午。年二十一。生子全。三月夫適巴里坤。踰年亡。力作居積。歸夫骨。

徐氏石谷邨賀登臺妻。年十七于歸。五年夫亡。織紵撫孤。卒年七十五。王氏登臺族子遐齡妻。王繼武女。乾隆甲戌。年十九夫亡。守貞四十餘年。乾隆甲寅。

旌表。

馬氏桂家營桂廷棟妻。扶風生員馬公澍女。乾隆甲子。年二十夫亡。子繼殤。夫弟廷澍娶扶風貢生王峇女。乾隆癸酉。王年十九夫亦亡。自傷與馬同命。質嫁資。與馬合養舅姑。今年六十一。

常氏普集鎮程壽妻。常潔女。乾隆丁卯。年二十二寡。撫嗣子玉衡。

王氏程之清妻。王朝鼎女。乾隆己丑。年二十七夫亡。翁瞽。奉事勤。

卷之五

二十

教子煥林爲生員。

何氏邵家寨李藻中妻。何遷女。乾隆庚午。年二十五夫卒。育子鎮。以事親。舅患瘋疾。却葯餌。何跪進乃服。鎮娶張宏女。乾隆己丑。年二十鎮卒。生子產齡。何亦卒。王舅病篤。張滌濯扶持十餘載。今年六十四。

馮氏金鐵寨金庫妻。乾隆辛未。年二十七。庫適渭源堡。日將暮。庫族叔錫穩。催庫逋賦。投間誘馮。馮泣罵不從。復迫庫輸賦。辱及馮。馮忿自經死。置錫穩法。馮得。

旌表。趙氏金舉妻。年二十五夫亡。孝事舅姑。教子爲生員。歷節四十二年。

李氏興城寺楊元德妻。李作楹女。乾隆癸酉。年二十二夫亡。遺二子幼。或諷他適。輒自批面。議遂息。今年八十二。金氏元德族弟朝。

居妻。金明福女。乾隆丙戌年十九寡。子孤藐。姑亦孀居。金勤苦奉姑終身。子亦成人。今年六十二。

崔氏。城西街宇文澄孫釭妻。年二十寡。遺孤二歲。撫育艱辛。乾隆甲辰年五十。張氏簡妻。張錫朋女。夫卒。撫嗣子紡績自度。嘉慶壬戌卒。年七十七。王氏筠妻。王兆吉女。乾隆丙戌年二十八寡。姑老子八歲。教子治生。助十指養姑。今年七十四。黃氏祿妻。乾隆丁丑年二十三寡。育子廣居。今年七十九。王氏燧妻。王照廣女。乾隆甲戌年二十寡。日不再食。歲不更衣。撫嗣子堂以終身。四人皆澄族孫。華氏。宇文耀妻。見節義祠神主。餘無考。

李氏。北關徐仲鼎妻。李生梅女。乾隆壬午年二十二寡。弟仲觀娶王作賔女。乾隆丁丑。王年二十一亦寡。舅鰥居。同勸娶姑梁。生子步鰲四歲。舅姑逝。同撫步鰲成立。嘉慶壬申王卒。李年七十六。

卷之五

二十一

伊氏。渭源里李振東妻。伊元烈女。乾隆已卯年二十二夫亡。遺子冲弱。舅姑老。叔振家娶華奎女。乾隆庚寅。華年十七。振家歿。華嗣伊次子。與伊釀酒求錙銖利。仰事俯育無遺缺。嘉慶十四年。同旌表。

劉氏。漆邨何瑞從弟珍妻。劉振文女。乾隆已卯年二十五寡。夫弟蕩產盡。劉攜子大成。日食樹皮野菜。庸值終其身。蘇氏珍族子代妻。蘇自成女。歸代觀音堂。乾隆庚子年二十五寡。子五歲。茹苦守志。

羊氏。校場堡楊友蘭妻。羊正義女。乾隆已卯年二十一寡。兄景蘭娶黨氏。黨啓女。乾隆癸未年二十寡。黨與羊奉姑鞠子。皆享高年。郭氏。永安里王雲龍妻。郭延湖女。乾隆庚辰年二十一寡。雲龍弟應龍妻。張氏。張明聚女。乾隆壬午年十九寡。舅姑痛二子亡。且無

嗣郭與張勸慰諄篤。舅姑爲減悲傷。郭嗣子家珍。張嗣子應駒。嘉慶已未同旌表。

杜氏高望川馬成妻。杜寵女。乾隆辛巳。年二十三寡。嗣子錫福。今年七十五。成弟式妻楊氏。楊福林女。乾隆癸未。年二十一寡。嗣子步瀛。今年七十一。

王氏長寧舖汪江妻。王元佑女。乾隆辛巳。年二十一江卒。撫嗣子廣潤娶馮秉女。王病醫無效。馮禱姜嫫廟。投身岩下。傷不死。王病愈而馮卒。王今年七十二。

田氏孟王邨許吉寧妻。田進許女。乾隆壬午。年二十一寡。不以貧約易操。劉氏吉寧族孫飛龍妻。劉慰女。乾隆庚辰。年十九寡。親老子幼。亦不以貧約易操。

卷之五

二十二

陳氏南莊堡楊忠妻。陳自售女。乾隆甲申。年十九。生子景泰。未週月。忠歿。忠弟信娶馮德女。乾隆壬午。馮年十九。生子景清。數月信歿。娣姒同志養親。並撫遺孤。陳今六十八。馮今年七十。

楊氏北陽邨張莪妻。楊之樸女。乾隆癸卯。年二十二。莪亡無子。莪弟鳳鳴。先莪一年歿。妻康氏。康友女。年十九寡。與楊合志事親。撫嗣子。而楊嗣子復夭。今楊年五十二。康年五十。

蘇氏仁邨康殿妻。年十七于歸。越七年夫亡。撫嗣子爲夫後。時嗣子本生母王氏亦寡。與同炊共績以成其節。卒年四十六。譚氏康福妻。年十七于歸。越三年。夫外出不歸。譚事舅姑盡禮。撫嗣子如已出。金氏康士元妻。年二十一夫亡。事舅及夫叔惟謹。撫遺孤拱以老。茹苦三十三年。

人物志下之二列女

在城鎮列女

柴氏在城康滿妻。明成化間。柴年二十六夫亡。守節四十餘年。嘉靖戊戌旌表。

牛氏西街陳懋謙妻。牛兆祥從孫元昇女。夫亡。牛年十九。撫遺腹子輅五十餘年。艱苦備嘗。萬歷年旌表。

王氏在城鎮李萬箱妻。乾州王樂煥女。康熙庚戌年十八夫亡。撫嗣子不渝志。乾隆丙辰

旌表。

李氏西街孫國良妻。歸國良。夜紡績佐夫讀。康熙丁巳年三十四夫卒。遺三子。家貧。令子作小賈。曰豐年不足食。荒歲將何賴。乃鬻簪珥及夫遺衣服。儲麥八九石。及辛未饑。賴麥免逃徙。歲稔餘麥數斗。由此家漸裕。慨然曰。值今日之易。當思昔日之難。尺布顆粟。

卷之五

二十三

吾視爲珍異也。年屆七十。猶紡績不輟。孫景烈成進士。官翰林。以文名顯。

羊氏西街楊茂棟妻。羊尊周女。康熙戊辰年二十一寡。奉舅姑。撫嗣子。子亡。以夫族子爲嗣。乾隆丁巳

旌表。

申氏北關徐宏綬妻。申永貴女。雍正丁未年十九寡。事親終老。子亦成立。乾隆戊戌

旌表。

魏氏南里城楊仲文妻。魏國祥女。雍正庚戌年二十六寡。子旺三歲。食貧守節。卒年六十六。

喬氏西街魏天壽妻。雍正壬子。喬年二十二夫亡。撫二子成人。卒年七十四。



焦氏宣化街朱炎斌妻。整屋焦世緒女。雍正癸丑。焦年二十一。嫁炎斌。勤縫紉。兼業履。佐薪米。奉舅姑。助夫膏火。夫得爲生員。年二十五。寡。撫嗣子許官。守志以歿。年六十六。乾隆甲午旌表。

李氏北關李崇盛妻。李爵女。年十九于歸。值舅姑病。作新婦三日。卽改妝侍湯藥。雍正乙卯。年二十四夫亡。與叔同爨。叔賂鄰媪。勸改適。不從。乃攜子英及喜別居。撫育成人。葬夫時。投穴以殉。急救已傷一臂。乾隆甲戌旌表。

常氏城南街李文明妻。常承祖女。年十七歸文明。乾隆壬申。常年二十四夫亡。舅老家貧。常夜績晨舂。供舅衣食。而已常枵腹。舅逝。教遺孤業賈。而貧如故。卒年七十二。

卷之五

二十四

李氏南關王從儒妻。小北街李作棟女。乾隆癸酉。李年二十夫亡。父母舅姑。憐其少。勸改適。剪髮矢志。孝養弗懈。卒年六十二。王氏南留邨孫澍妻。王生昭女。乾隆乙亥。年二十。寡。侍姑疾。偶失意。旨退而自責。教嗣子爲生員。食廩餼。嘉慶庚申旌表。

徐氏西街申紀妻。徐宏毅女。乾隆丙子。年十八。寡。撫嗣子浩。讀書成立。嘉慶戊辰旌表。

黨氏西街楊之華妻。黨志德女。乾隆戊寅。年二十二。寡。貧能養姑。教嗣子甲木爲生員。嘉慶丙寅旌表。今年八十。

徐氏宣化街黃文德妻。徐天保女。乾隆己卯。徐年二十四。寡。三子

俱幼。家貧無依。晝樵夜績。搗拄數十年。守貞不渝。卒年五十八。  
王氏白楊寨李振楫妻。乾隆庚辰年二十四。嫠居。養姑二十九年。  
撫字嗣子如瓶爲生員。

楊氏東街王富善妻。楊名福女。乾隆丁亥。

旌表。縣卷殘缺。駢詞所載。有云十六于歸。十年失所。嘗糞事親。茹  
荼教子。

李氏西街監生劉起瑞妻。李應材女。乾隆戊子。年二十夫亡。時舅  
姑未葬。李經營備舉。育嗣子成家。嘉慶五年。

旌表。

張氏西街楊凌雯妻。鄭家坡張福世女。乾隆己丑。張年十九歸凌  
雯。越三年夫亡。勤女工養舅姑。鞠育嗣子旻。守貞以老。今年六十  
五。

卷之五

二十五

黨氏牛家河趙性良妻。黨成女。乾隆庚寅年二十一。寡。無子。事舅  
姑以孝聞。

王氏菜園堡鄭自誠妻。王成發女。乾隆辛卯。王年十九于歸。越七  
年自誠病歿。王事姑育子。苦志堅守。今年六十一。

劉氏宣化街李愷妻。劉浩女。乾隆戊戌。劉年二十五。寡。子俊生數  
月。長病股廢。孀姑又多病。劉俯仰辛勤不少倦。今年六十。姑年八  
十三。

朱氏白楊寨陳振遇妻。朱統女。乾隆辛丑。年二十二夫亡。事舅姑。  
撫嗣子。教養兼至。

趙氏北關王作安妻。拒姦投井死。嘉慶丙辰  
旌表。

年歲無考列女附後

張氏小北街李五榮妻張翬女。年二十一寡。育遺腹子恒居。蔬食不充。腹事舅姑及嗣姑。以孝聞。恒居生子出外。與子婦經營餽粥以老。卒年七十歲。

李氏尚家坡尚柱妻。年十六適柱。越二載夫亡。熊兆其遺腹子。也茹荼嚙冰。鬻子以終。卒年八十。

志曰。附城川原美麗。比戶詩書。風教殊焉。馬氏楊氏趙氏丁氏張氏皆世代占籍。長寧康氏。興城張氏。鳳陽耿氏。邠封黨氏。亦多移居城郭。合觀之。可以知其盛矣。

#### 貞元鎮列女

郭氏。于邨李僑妻。郿縣郭寧女。年十六于歸。歲饑。夫乞食他方。病阻於外。姑年老。需肉食。郭剪髮購烹以進。又剜臂股調羹以廖姑疾。康熙癸卯學使榜其門曰。閨閣烈孝。

#### 卷之五

二十六

何氏高望川楊景妻何全圖女。康熙丁丑。年二十八寡。年八十卒。乾隆丁卯

#### 旌表

吳氏大寨子舒庭妻。康熙己卯。年二十五寡。食貧撫孤。乾隆丙寅旌表。

李氏大韓店李濟時妻。乾州李振體女。雍正壬子。年二十一夫亡。哭失明。猶黽勉事舅姑。教嗣子力田不倦。卒年七十三。

卓氏可層舖尚居禮妻。雍正癸丑。年三十夫亡。子路生五日。育以守志。卒年八十。

馬氏可層舖趙連庭妻。乾隆己卯。年十九連庭歿。撫嗣子世昌守志。今年七十三。

倪氏可層舖監生王治妻。倪有德女。乾隆辛巳。年二十三寡。遺一

子。值歲饑。家人逼嫁不從。食蕎花自給。子長。以次子嗣。夫兄浩後。張氏。察劉邨。劉事清妻。乾隆壬辰。年十七歸事清。踰月夫亡。守嗣子無異志。食指七十餘口。張經營朝夕。不辭勞瘁。年今六十。闔室稱之無間言。

張氏。大韓店李咀華妻。張萃業女。乾隆甲午。年十八生子震邦。兩月夫亡。舅亦繼歿。或謀其產。以嫁婦惑姑。張泣請曰。姑不爲婦計。獨不爲孫計耶。姑始悟。今姑年八十三。手足痿廢。張年五十七。日爲櫛沐修潔。捧飲器。操匕箸進食。無一日懈。

何氏。大韓店劉瑞妻。何起蛟女。乾隆乙未。年十九寡。無子。事舅姑能盡歡。居家勤儉。有餘則施衣食濟人。今年五十七。

王氏。高望川王際貴妻。乾州王庫女。乾隆丙申。年二十一寡。教養幼子。不以貧屢自懈。今年五十八。

卷之五

二十七

陳氏。可層舖尚世堤妻。陳其祿女。乾隆戊戌。年二十三夫亡。織布撫二子。卒年五十六。

郭氏。高望川趙寧妻。郭章女。乾隆己亥。年二十一寡。生遺腹子。依夫兄泰以全其節。今年五十五。

年歲無考列女附後

張氏。大韓店顏奉妻。年十七于歸。越四年夫亡。撫遺腹子以延宗祀。年六十六。

長寧鎮列女

楊氏。興城寺劉新基妻。永年母。康熙間。楊年二十夫亡。撫孤永年自立。卒年八十一。孫燦舉人。

曾氏。和尚邨高靈陽妻。曾謀女。康熙己亥。年二十夫亡。舉遺腹子密。密長。先曾死。曾茹荼終身。卒年八十。

吳氏。上莊戴愈顯妻。吳國棟女。康熙壬寅。吳年二十五。夫亡無子。鞠嗣子嚴如所生。

趙氏。馬午邨田希籌妻。乾州趙之節女。雍正壬子。年二十九夫亡。值歲饑。日食糠粃。養親無缺。教三子耕讀。卒致孫曾濟濟。家計日興。乾隆壬辰。

旌表。

許氏。岡子上朱天祿妻。許杭女。乾隆壬戌。年二十七寡。子璵四歲。鞠育二十二年。璵死更撫嗣孫可法。可法亦出亡。許子然守貧以老。

白氏。小九寨王寧妻。白文秀女。乾隆甲子。年二十二夫亡。絕粒求死。舅諭之乃復食。子敏中幼。白勤苦持家。釐然無廢事。乾隆丙午旌表。

卷之五

二十八

劉氏。鎮南堡張權妻。劉輝祖女。乾隆庚午。年十九寡。遺子直亦早卒。育孫以終其操。今年八十。

譚氏。焦上邨葛洪仁妻。譚爾忠女。乾隆壬午。年二十八洪仁卒。子世明五歲。譚守貧撫孤。終其節。

蘇氏。小九寨楊彬繼室。蘇大年女。乾隆乙酉。年二十七夫亡。撫前室子如巳子。

蘇氏。焦上邨李應髦妻。蘇倫女。乾隆乙酉。年二十四夫亡。子五歲。家窶甚。姑令改適不從。加以凌辱。終不從。乃止。

何氏。和尚邨丁折桂妻。何迪女。乾隆乙酉。年二十一寡。貧能教子。嘉慶甲子。

旌表。

張氏。焦上邨戚耀妻。張自勇女。乾隆己亥。年二十七寡。子茂齡八

歲有勸他適者。輒自批其面。終以節老。今年六十一。年歲無考。列女附後。

劉氏。小九寨王需妻。年少夫亡。苦節四十餘年。

志曰。長寧康氏。興城張氏。皆鎮人也。明正德萬歷間。冠蓋相望。盛甲一邑。其家人皆能明禮義。尚節操。是以孝婦烈女。接跡一門。久而成爲鄉俗。單門弱族。亦克振拔自勵。卓然以節孝稱。豈不盛哉。

#### 薛固鎮列女

田氏。渭源何恂妻。田良女。康熙甲子。年十七歸恂。越十五年恂卒。

田事舅姑。撫幼子。以孝慈稱。享年百有八歲。乾隆癸巳旌表。

張氏。馬坊毛福貴妻。張謀女。乾隆壬午。年二十二寡。姑慮志不堅。齒斷一指自誓。姑卒。貧無棺。里黨市槥營葬。張勤女工。教子仁牧。

#### 卷之五

二十九

羊。積庸值酬之。今年七十三。

張氏。梅花寺郁錦妻。張含英女。乾隆癸未。年二十五。夫亡無子。孝養舅。姑以成其志。

黃氏。崆峒堡閻仲妻。黃鏡女。乾隆乙酉。年二十三寡。養舅撫嗣子。俯仰兼至。

毛氏。仄稜堡李之梅繼室。毛福祿女。乾隆壬辰。年二十六。夫亡。子忠元冲弱。前室子忠愛痴愚。皆撫育成立。今年六十七。

何氏。孔雀寨婁傑妻。何彩女。乾隆己亥。年二十二。夫亡無子。舅納痴妾。生子不能育。何代爲鞠養。今年五十六。

#### 普濟鎮列女

康氏。北寨陳柱妻。康謀女。康熙乙未。年二十三。柱亡。抱遺子。事病姑夙夕勤劬。父母乏嗣。移養於家。歿葬已地。附身附棺。無遺憾。卒。

年九十二。

張氏。南仁天姜轅姬妻。張爾城女。雍正巳酉。年十九寡。守遺腹子。鈺。成其貞操。

楊氏。鄭邨侯世財妻。楊寧女。雍正壬子。年二十寡。伯叔逼嫁。攜嗣子讓。依母家。食貧守節。

李氏。鄭邨杜賔芳妻。李作謀女。于歸未逾月。賔芳客於蜀。乾隆丙辰。賔芳死。李年二十三。撫嗣子楹。守志。歸夫骸骨。葬如禮。卒年七十四。

何氏。高渡邨譚肆妻。何三忠女。乾隆巳未。年二十七寡。鞠子紹賜。矢節。沒齒不移。

常氏。仁邨康作喜妻。常進姜女。乾隆癸亥。年二十三寡。姑病廢。動作需人。扶掖床第。應如影响。守嗣孫明。以終其志。

卷之五

三十

章氏。南寨里張雲妻。章順女。乾隆甲子。年二十七雲卒。姑老子幼。無恒產。章經營數十年。以孝慈稱於鄉里。今年九十六。

段氏。曹家店明御史楊秉中八世孫延壽妻。段吉祿女。乾隆間。年二十二。夫亡。子炳二歲。舅姑七旬。夫弟三人未有室。迨舅姑歿。弟亦散離。攜孤依母家。晝樵夜紡。不以困約改操。卒年六十一。

楊氏。贖馬邨劉信妻。楊乘龍女。乾隆巳巳。年二十二寡。子星漢二歲。家人逼嫁。急入室自經。驚救得甦。家人知不可奪。議遂止。星漢後爲武庠生。

李氏。鄭邨杜賔賢妻。乾隆庚午。年十九于歸。二載夫亡。絕粒數日。親族諭以撫孤爲大。始就食。現年八十二。

宇文氏。新尙邨趙天相妻。宇文謀女。乾隆甲戌。年十九。夫客死。矢志不更適。嗣子長亦出亡。孤苦終老。

伊氏贖馬邨宋世繼妻。伊金女。乾隆乙亥。年十九。夫卒無子。時姑蚤亡。逮事舅與王舅王姑。王姑嚴厲善怒。值怫意。家人皆避匿。伊獨柔聲怡色。得王姑歡。旣而舅娶繼姑葛。事姑如王姑。不知爲繼也。姑病則旦暮禱於神。祈以身代。娣姒憐其孤弱。不使重勞家務。伊夙夜操作。終不以嫠而自逸。嗣夫兄世賢子爲夫後。旣長就學。輒易簪珥供楮墨。張氏洲。隄其德。撰其行事如此。

高氏洪家寨洪世弈妻。高武女。乾隆癸未。年二十四。夫卒。姑老。子尙孩提。家計出入。悉力經營。皆就理。

張氏董邨史恩妻。張光照女。乾隆乙酉。年二十三。恩卒。子記行三歲。越二年繼姑王卒。遺三叔俱幼。張鞠育周至。皆成人。舅自厚老病。張奉湯藥。夜恒不寐。今年七十一。

魯氏令功邨薛明妻。魯倫女。乾隆壬辰。年二十七。寡。遺孤六歲。有

卷之五

三十一

田六畝。躬耕育子。卒免饑寒。今年六十八。

張氏曹家店曹士玉妻。張棟女。乾隆丁酉。年二十五。寡。子靈二歲。舅失明且老。張奉養無缺。撫子亦克成立。

王氏洪家寨趙講妻。王賔女。乾隆己亥。年二十四。寡。子三歲。舅姑皆老。舅且瞽。家計無所倚倚。王操作克供朝夕。

年歲無考列女附後

劉氏曹家店曹宗武妻。年十九于歸。子琪甫一歲。夫亡。事親教子。晝夜勤劬。卒年七十八。

大莊鎮列女

尙氏鎮西堡李如玉妻。尙秉虞女。順治庚寅。年二十四。夫亡。勤女工。奉舅姑。撫子良。力農業。年八十四卒。

趙氏高邨張志耀妻。順治庚寅。年十八于歸。越十年夫亡。子授室。



亦卒。又撫孫及曾孫。年百有二歲。乾隆壬申

旌表。

王氏。張三官寨張宰妻。康熙己丑。年十七于歸。夫亡。斷髮毀容。忍痛撫孤以延祀。卒年八十二。乾隆丁丑

旌表。

侯氏。山邨張自秋妻。侯顯女。康熙庚子。年十九夫卒。子文著在襁褓。既長而夭。嗣孫不肖。敗產出亡。侯拾薪自炊。年九十卒。

王氏。孟王堡孟登科妻。王紹女。乾隆庚申。年二十一。夫亡無子。姑亦繼卒。鞠幼叔以慰舅心。癸丑歲饑卒。

夏氏。喬旗寨王有年妻。夏璉女。乾隆癸亥。年二十。夫亡無子。夏請以夫從弟新剛爲舅嗣。而教養之。新剛授室生子。而婦亡。夏撫新剛子徵亦爲授室。嘉慶九年。

卷之五

三十二

旌表

蘇氏。山邨李沛妻。蘇謀女。乾隆乙丑。年十八沛卒。踰月生子福財。諸伯析箸。與叔合爨奉姑。姑卒。子授室。叔亦分析。躬治田園。更撫諸孫以老。卒年八十一。

張氏。半個城李茂發妻。張琮女。乾隆乙丑。年二十五寡。子俊升三歲。教養兼至。不以孤弱少寬假。

陳氏。漆邨鄭琬妻。陳瑄女。乾隆戊辰。年二十三琬歿。姑老。子瑞麟四歲。家計惟紡績是賴。卒年八十六。

李氏。閭家堡閭文蔚妻。李永女。乾隆己卯。年二十四夫卒。子須良生七日。有田數畝。佐舅耘耨。夜則紡績自力。卒年八十四。

王氏。鎮東堡李立妻。王甲女。乾隆乙亥。年十九寡。孝養舅姑。教子長年勤儉務家計。

姚氏毛家嘴康倫妻。姚彥聖女。乾隆丙子。年十九倫卒。撫嗣子乃興成立。

何氏張三官寨段倫妻。乾隆庚辰。年三十三夫亡。遺子友鑾升娃。辛卯七月。友鑾出傭。升娃亦鬻餅街市。鄰劉法夏偵間戲之。何忿詆逐。旋自經死。法夏畏罪亦自戕。

張氏張三官寨劉竹齡妻。張玉女。乾隆丁亥。年二十一寡。舅姑六十餘。張善女紅。織布業履。工倍傭。婦指腫無懈。舅姑賴以溫飽。教嗣子重讀書習儒業。今年六十八。

何氏張三官寨張登先妻。何可言女。乾隆戊子。年二十三寡。子曰玉四歲。恩撫勤劬。紡績奉舅姑。承志盡歡。族子某幼失怙恃。何養育十餘年不倦。今年六十八。

史氏山邨田汝霽妻。史純女。乾隆己丑。年二十八夫卒。事親育子。不以食貧自懈。

卷之五

三十三

王氏大莊堡趙世和妻。王大賔女。乾隆癸卯。年十八夫亡。家貧。取給十指。質衣供姑膳。教子芳成立。今年五十五。

卓氏義樂寺吳安邦妻。卓聖潔女。乾隆丁酉。年二十四寡。無子。教夫弟治邦成名爲貢生。今年六十一。

楊氏義樂寺周三元妻。楊洪女。乾隆壬寅。年二十二夫亡。子大善四歲。撫以守志。

年歲無考列女附後

李氏張三官寨沈來聘妻。少寡無子。有勸嫁者。李曰。姑在誰與養。織紵以供甘旨。歷四十餘年。

南氏張三官寨魏起鳳妻。年十五于歸。八年起鳳死。居貧。孝事舅姑。撫三子皆成人。年八十二歲。有孫十二人。曾孫二十人。

呂氏。張三官寨南正已妻。年二十八寡。撫孤成立。年八十三卒。  
李氏。尖栢樹堡吳翥妻。年十九夫亡。遺一子。族惡逼嫁。斷五指自  
矢。撫孤授室。得孫瑤爲生員。卒年六十九。

王氏。尖栢樹堡別克敬繼室。年二十于歸。越五年寡。撫前室子。教  
育周至。年七十八卒。

鄧氏。方家寨白受福妻。年十七于歸。四年夫亡。撫夫從子爲嗣。苦  
節四十餘年。

志曰。薛固普濟大莊。宋節婦鄉也。其事不傳惜哉。迄今歷數百餘  
年。而鄉俗不衰。嗚呼其風化遠矣。

#### 永安鎮列女

楊氏女。徐家灣楊志秀女。順治辛卯。年十四。治奩將嫁。賊破堡逼  
污。女大罵不從。賊縛至渭灘。罵不絕口。賊怒橫刀斷其面。兩目俱  
墜。猶呦呦作罵聲死。

#### 卷之五

三十四

靳氏。小寨堡陳所懷妻。靳應科女。康熙間。年二十五夫亡。遺老親  
幼子。靳茹苦支持。克成其志。

劉氏。立節堡張璜妻。劉青女。康熙己酉。年十六于歸。夫亡無子。撫  
嗣子恩勤如已出。享年一百六歲。乾隆壬辰

#### 旌表

李氏。圪塔廟劉承訓妻。扶風李某女。年十八歸承訓。康熙庚午夫  
亡。踰年歲饑。舅姑勸改嫁。誓不從。給歸母家。娶者車及門。李知不  
可挽。歸辭舅姑。登車行二里許。自經車中死。面如生。歸葬於劉。  
高氏。立節堡張桐妻。義樂寺高珍女。康熙戊寅。年二十四桐卒。子  
安世。穩世俱幼。數月姑亦繼亡。遺二叔亦幼。高撫叔與子無異視。  
閔氏。張捕邨封昭妻。閔相蘭女。雍正甲寅。年二十一寡。子爾恭。三

歲恩撫授室。先閔卒。閔卒於乾隆庚戌。爾恭婦馬無子。傷姑苦節。呈牒疏其梗概如此。

李氏。張捕邨鄧隆妻。李蕃女。雍正乙卯。年十九生子王兆。隆卒。事舅庠生雲。續姑李。克盡婦職。王兆八歲。教之讀書。不以居貧廢學。卒年八十九。

袁氏。杜家坡杜琳妻。袁繼先女。乾隆辛酉。年二十七夫歿。孝事老親。教子時茂爲生員。

封氏。新莊堡劉繼全妻。張捕邨封雲志女。乾隆甲戌。年二十八寡。遺孤五歲。封砥節茹苦。以存夫祀。

董氏。王家坎子王庫妻。生員董瀚女。乾隆丙戌。年二十九寡。家貧子幼。姑勸更適。董誓曰。餓死無怨。紡績養姑。姑賴以安全。子亦成長。今年七十六。

卷之五

三十五

劉氏。橋頭閭宗孔妻。劉元昇女。乾隆戊子。年二十四。夫卒親老。遺孤三歲。劉賦性溫恭。仰事俯育。從容就理。

傅氏。徐家灣劉偉妻。傅彥女。乾隆丙申。年二十五。偉卒。子振孤弱。有田四畝。鄰人感其義。代耕給食。今年六十二。振卒於乾隆乙亥。妻朱亦賢。

郭氏。鎮民焦登妻。郭永茂女。乾隆丙申。年十七歸。登未及歲。登外出。絕音耗。郭甘貧奉姑。姑雙目失明。今年八十六。郭年亦五十四。扶持起居如少婦。

劉氏。杜家坡杜時俊妻。圪塔廟劉永康女。乾隆庚子。年二十七。寡二子孤藐。夫兄歿。遺一子。夫弟外出。遺二子俱幼。劉勤女工給食。夫伯母張寡無子。叔璜卒。遺子時雲亦幼。劉并移養於家。今年六十一。

郭氏徐家灣徐之然妻。扶風郭世揆女。乾隆壬寅年二十八寡。矢志守貞。今年五十九。足跡不踰閭閻。

王氏杜家坡杜潦妻。王登周女。乾隆壬寅年二十二。夫亡無子。撫夫從弟雅爲舅姑嗣。劬勞以終其身。

年歲無考列女附後

李氏穆家寨穆鳳朝妻。年二十七寡。家貧。克孝舅姑。耕無牛。以子代。夜無火。隨月績。汲井灌溉。墜井幾死。子賣餌於市。或憐與錢。責令卽還。不願子受非分財。而家漸裕。實勤儉之報。亦德教所積也。

李時代缺考。孫自浩呈牒。年七十三。則李年亦畧可想見。

志曰。鎮爲慶善宮遺址。竇太后遺風猶有存焉者乎。楊氏女斷面。猶能罵賊。非深明大義者不能。吁烈矣。

楊陵鎮列女

卷之五

三十六

楊氏上營張臆妻。楊璟女。明成化間。楊年二十五寡。臆病篤。語氏曰。汝能守則善事吾母。撫吾子。不然。且適人。楊曰。有不虞。止一死耳。後撫子世策漸長。嘗勉謂之曰。我原許汝父以死。所不死者以爾未立。爾其勿負吾志。後世策爲臨津教諭。嘉靖壬午旌表。載通志。

陳氏傅家莊張織妻。陳敬之女。康熙乙酉年二十四夫亡。子召鳳孤弱。撫以守貞。不以貧窶累其志。

劉氏川口朱心興妻。劉金堂女。康熙甲午年十九寡。無子。家人勸嫁。誓以死守。育嗣子永福。歷四十餘年。

劉氏豐盈寨袁綬妻。劉緒女。康熙戊戌年二十一寡。食貧奉親。教子耕讀爲業。卒年八十四。

崔氏上營堡楊繼溥妻。崔光遠女。康熙庚子年十九于歸。越三載

夫亡。撫子守貞。卒年六十二。嘉慶丙寅

旌表。

張氏。川口劉睿妻。張安世女。乾隆辛酉。年二十三。睿卒。事孀姑。育稚子。守節終其身。

張氏。馬家溝梁永福妻。張班女。乾隆辛未。年十九。方娠。夫亡。姑哭。子失明。冀生孫。三月生果男也。而足跛。數歲不能行。姑曰。守跛兒。如無兒。婦方少艾。曷他適。張泣曰。婦不去。爲養姑也。姑失明。婦去。誰與給朝夕。兒雖跛。亦足延夫嗣。願姑無以婦爲念。今年八十一。申氏。南陽邨符鳳岐妻。申應福女。乾隆壬申。年二十一。寡。茹苦養舅。撫嗣子秀章。成其志。卒年八十歲。

段氏。陽邨楊濟憲妻。段長山女。乾隆壬申。年十九。夫歿。子秀玉。週歲。撫以守志。夫從兄濟水圖嫁段。夜半強啓房戶。計以曖昧污其名。則奪嫁有詞。段驚起。急投井中。鄰人急救得不死。卒年七十七。張氏。杜家寨何盈妻。張忠女。乾隆戊寅。年二十二。寡。無子。姑慮家貧。令他適。張曰。貧命也。他適卽不貧乎。願餓死。不易志。姑以盈兄子爲之嗣。痴愚不慧。張鞠養恩勤。卒成姑意。

張氏。川口劉璋妻。張含素女。乾隆丙子。年二十。寡。甘糟糠。供姑養膳。教嗣子燦爲生員。嘉慶八年

旌表。

徐氏。杜家寨裴同妻。徐仁女。乾隆丙子。年二十四。同卒。無子。事姑三十年。無懈容。同從弟銳。憫其窮老無依。迎養於家。卒年八十一。喬氏。殷彭邨彭開寧妻。喬彩女。乾隆戊寅。年二十三。寡。薄田二畝。不足資生。佐以女工。勉供朝夕。姑老多病。湯藥盡。織紝也。撫子聚成立。

史氏。殷彭邨。彭尚金妻。史芳女。乾隆己卯。年二十四夫卒。姑老病。子女待哺。搯拄口食。恒日不再炊。史不以爲苦。姑語人曰。婦能忍人所不能忍。眞孝婦也。

吳氏。南卜邨。張盈妻。吳穩周女。乾隆己卯。年二十一盈卒。子生數月。奉老姑以畜稚子。無渝志。今年七十四。

楊氏。聶邨。張宗仁妻。同邨楊蒼女。乾隆庚辰。年二十一寡。家貧養姑。水必手汲。食皆布貿。迄終養無缺匱。今年七十四。

景氏。校場堡。賀登妻。景萬倉女。乾隆丙戌。年二十四夫亡。舅姑存歿所需。悉出十指。遺子亦鞠養成。今年七十。

董氏。柴家嘴。柴桐妻。董宗德女。乾隆庚寅。年十九寡。姑年七十。子生一歲。搯拄勞瘁。年未三十。髮白如雪。今年六十二。

馬氏。本鎮。曹恒祿妻。馬英女。乾隆癸巳。年二十九。忿張九錫穢言。

### 卷之五

三十八

誘戲。自縊死。獄具。

旌表。

任氏。豐盈寨。荆澤妻。扶風庠生任廷柱女。乾隆丁酉。年十七嫁澤。六月而澤亡。事王舅及舅姑數十年。稱賢孝。嗣子壬辰。今年五十二。

馬氏。鎮民。張濟妻。馬實女。乾隆戊戌。年二十五夫卒。無子。事舅亨年八十餘。今馬年六十。

楊氏。鎮民。蘇泰妻。楊濟海女。乾隆戊戌。年十九寡。無子。奉親生死無缺禮。居恒樸素。不爲容飾。非大事不踰閫門。今年五十四。

賀氏。厓子堡。徐樹妻。賀元明女。乾隆壬寅。年二十樹歿。治家勤儉。善事舅姑。恩養嗣子。今年五十一。

崔氏。梨張溝。張萬景妻。崔鎧女。乾隆庚子。年十九寡。無子。舅姑老。

病。居貧奉養以成其志。

張氏。厓子堡徐序妻。張景深女。乾隆辛丑。年二十四序歿。子冲藐。拮据事親。兼養遺孤。髮白目昏。卒不辭勞。今年五十七。

李氏。川口何尚仁妻。乾隆甲辰。年二十一夫亡。事舅姑壽終。遺子亦成人。今年五十餘。

年歲無考列女附後

崔氏。本鎮戴彩妻。崔超女。年十五于歸。十八夫亡。撫嗣子元文成立。年六十五。

黃氏。本鎮戴盛德妻。黃顏女。年二十一夫亡。撫育嗣子。子亡。撫孫成立。年七十五。

田氏。本鎮張名樂妻。田伯禾女。年二十二夫亡。撫姪成法爲嗣。年六十三。

卷之五

三十九

楊氏。本鎮張積貴妻。楊如雲女。年二十三夫亡。遺孤二歲。撫育成。立爲生員。年七十。

馬氏。川口朱信已妻。馬含芳女。于歸六載夫亡。孝事翁姑。教子有義方。茹苦五十餘年。卒年八十二。

遊鳳鎮列女

屈氏。焦陽邨杜逢雲妻。萬歷間。歲饑。翁及夫皆就食漢南。翁死。夫歸亦死。氏朝夕泣曰。寧以夫死而使翁骸遺棄他鄉乎。遂殯其夫。同母弟徒步赴漢南。負骨歸葬。竟以餓死。

樵氏。王澤邨華元秀妻。新寨樵思強女。康熙戊戌。年十九夫亡。無子。樵本農家女。克明婦道。誓以死守。姑病不能踐履。八年樵服勞奉養。無少怠。病劇扶掖。夜不交睫。舅諭少休。則曰。代夫終養。婦職也。願以子視婦。姑爲泣下。



劉氏桂家營齊伍妻。劉振孔女。雍正乙卯年十八寡。撫子良臣。娶妻生子學。良臣死。婦改適。學十餘歲亦死。劉恩勤兩世。孤苦一生。鄰里咸憫惜之。

秦氏桂家營姚福德妻。扶風秦志花女。乾隆己卯年二十寡。紡績事親。兼撫幼叔成家。

黃氏福多邨鄭天玉妻。黃世雄女。乾隆壬午年二十五寡。姑年逾七十。遺子七歲。支持家計。不懈於貧。今年七十六。

杜氏王澤邨徐作楫妻。庠生杜玟女。乾隆癸亥年十九夫亡。善事舅及繼姑。操作勤劬。不以嫠居自逸。處娣姒以謙和著。教子煦不少寬假。讀書爲生員。

徐氏赫邨楊受桂妻。徐諧女。乾隆丁酉年二十三夫歿。舅老子七歲。徐躬勤灌溉。復勤女工。一家賴以資給。今年五十九。

卷之五

四十

陳氏岸底邨羅君恩妻。陳明新女。乾隆辛丑年二十八。夫外出。絕耗。遺二子幼稚。河灘地三畝。不宜麥禾。乃藝棉供紡織。以給朝夕。今年六十。

段氏新邨王大賔妻。段盛女。乾隆辛丑年十七。適大賔三月。夫亡無子。乞夫從弟爲舅嗣。長爲婚娶。生子盼娃。立爲夫嗣。兩世宗系。賴以不替。今年四十八。

魏公鎮列女

段氏鎮民魏書徵妻。段義女。康熙乙酉年十八嫠居。無子女。砥節事舅。舅時語人曰。爾婦不如乃婦。嗣子溥。夫兄澤民子也。卒年八十三。

李氏崗上邨張梓妻。鳳安邨李永良女。乾隆丁巳年二十四寡。無子。姑厝寢室。李矢志營葬。謀嗣子。梓從子士信。重其行操。議立梓

從子士挺爲嗣復助資葬姑與夫。壬戌冬久雪。母子數日斷炊。鄰  
魏際盛憐之。贈士挺米數升。李責之曰。非骨肉至親。何可受。士挺  
含淚還魏。餓瀕死。士信得狀。持餅趨饋。乃食。得不死。卒年七十一。  
魏氏鎮民劉文俊妻。魏天受女。乾隆壬戌年二十一寡。遺孤生三  
月。善事舅姑。戚友饋食具。有餘則易市他味進。及舅姑歿。盡質衣  
服器具以葬。日磨麥屑。撫孤子。

魏氏鎮民劉現妻。魏秉賢女。乾隆乙丑年二十一寡。子孤藐。姑歿。  
遺叔五歲。魏慈養如姑在時。寒冬授衣。先叔後子。曰子煖叔寒。是  
死姑也。

霍氏鎮民黨國材妻。霍名玉女。乾隆癸酉年二十一夫亡。嗣夫弟  
國善子四歲。旣而國善亡。遺子未週月。霍恩養二子。老不告瘁。

孫氏任渠堡魏大緒妻。乾州人。乾隆癸酉年二十二。生女。許字任

卷之五

四十一

通貴子。通貴艷其色。偵大緒赴市。持刀逼污。拒刀疾呼。創之立死。  
置通貴法。女亦絕昏。獄成。

旌表。

段氏鎮民劉毓棟妻。段可智女。乾隆乙亥年二十一夫亡。生子未  
週月。毀面自矢。食貧以終。嘉慶庚申。

旌表。

劉氏鎮民楊學洙妻。扶風劉士欽女。乾隆戊寅年二十一寡。貧能  
事姑。教嗣子樹清業儒。嘉慶庚申。

旌表。

朱氏鄧家莊尙恭錫妻。朱映禔女。乾隆己卯年二十四寡。貧能勵  
志。撫子女畢婚嫁。

劉氏鄧家莊劉聰妻。劉中槐女。乾隆庚寅年二十八寡。貧能勵志。

撫子女五人皆成立。

戴氏樊邨張文龍妻。戴文女。乾隆庚辰年二十寡。善事其舅。教子以詩書。

王氏右所寨陳宗孔妻。王文舉女。乾隆辛巳年二十八夫亡。善事姑。子二人。今年八十。

楊氏右所寨陳超妻。楊守福女。乾隆乙酉年二十三夫亡。亦善事姑。詩書教子。有樊邨戴氏風。

里居無考列女附後

李紹韓志

陳氏劉弼主妻。百戶陳世宗之女。崇禎甲戌。流寇破堡城。強逼欲辱之。必不從。罵不絕口。賊斷其兩臂。猶罵。遂斷其首以死。

沈華志

卷之五

四十二

崔氏王世桂妻。桂早卒。崔織紵自活。撫孤映斗成立。斗年八十。先崔卒。崔生於萬歷癸丑。卒於雍正辛亥。享年一百一十九。

宇文氏適楊圻。康熙年間。氏二十五夫死。撫孤有成。歷節五十二年卒。

馬氏張居仁繼室。康熙丁未年二十五。生一女而寡。與前妻子節力耕鋤口。棲身窑舍。苦守十三年。一日有惡少爲馬作伐。斥絕之。越數日夜半。糾夥突至。馬拒門固守。罵不絕口。賊攻門急。節揮刃峻拒。賊忿舉火焚窑。閤家被害。馬面目如生。

郭氏李顯俊妻。年十九顯俊死。遺子引未彌月。家貧窶。內外無倚。郭守堅金石。惟與一老婢。躬績紡爲活計。引稍長。卽延師受書。誨之以正。引後爲諸生。郭年八十三卒。

康氏李維世妻。生一子六歲。而維世死。康持門戶。葬翁姑遺柩。撫

子成立。歷節四十一年卒。

王氏。何運泰妻。年十六歸運泰。匝月運泰死。王勺水不入口。將以身殉。轉念翁姑老病。且無養。因強食。拮据奉事無間。後翁姑相繼歿。王隻身營葬。運泰族人利王年尚少。謀奪其志。王聞知大慟。嘔血數升死。年三十二歲。邑人高其節義。共立碣於墓焉。

康氏。李某妻。康熙壬申。歲饑大疫。康年二十六。夫亡。遺子女各一。姑殯在堂。康營葬數年始就。葬日大雨。康衰服扶輦行泥中。泣聲載道。女長甫嫁而歿。子婚生孫。媳又死。康素精女紅。善指授。師奉最多。卒年六十一。

錢汝器志

張氏。生員王應運妻。康熙己未。年二十六寡。遺孤二歲。教育成立。亦爲生員。卒年九十二。乾隆丁巳。

卷之五

四十三

旌表

景氏。張義妻。康熙丙午。年二十義歿。斷指矢志。恩撫遺孤。卒年八十。乾隆丙寅。

旌表

蘇氏。張國傑妻。康熙年間于歸。夫亡子幼。家貧。蘇歷盡艱辛。撫孤成立。子亡撫孫。恩勤倍篤。卒年七十一。

趙氏。王建眞妻。年二十二夫亡。撫姪以爲己子。至二十八歲。姪又亡。孤苦伶仃。紡績自活。卒年六十三。

李氏。張景梅妻。年二十二。夫亡。無子。撫族姪爲嗣。守節四十八年。現年六十有九。

王氏。張玉璽妻。年二十二。生子方十七日夫死。家貧翁老。王事翁盡孝。撫孤成立。守節五十四年。現年七十六。

趙氏。王璟妻。夫亡家貧。矢志守節。養姑育子。克盡敬愛。屢遭伯叔逼嫁。不移其操。現年六十有七。

閔氏。李注妻。夫亡。年二十五。苦節終身。有司給匾獎之。

張氏。李彩妻。年十七于歸。二十三夫亡。無子。撫族人子爲嗣。家貧。晝夜紡績。撫子成立。乾隆乙未。學使嵇公榜其門曰。冰心綿祚。

夏氏。張秀妻。年二十三夫亡。遺孤三歲。家貧。夏撫孤成立。苦節五十一年。

劉氏。高忠妻。康熙間。年十五歸高。越六年夫亡。時翁姑在堂。遺孤方五歲。劉仰事俯育不少怠。守節五十八年。乾隆乙未。學使嵇公給匾曰。貞操勵俗。

前志補遺附後

西魏武功縣孫道溫妻。趙氏者。安平人也。万俟醜奴圍岐州。久之

卷之五

四十四

無援。趙謂城中婦女曰。州城方陷。義在同憂。遂相率負土。晝夜培城。城竟免賊。大統六年。贈夫岐州刺史。贈趙安平縣君。北史列女傳

